



**Roma Gloriosa, oder Das Glorwürdige Rom In seinen  
Zweyhundert Drey vnd Viertzig Bäpsten. Daß ist/  
Römische Bäpst/ angefangen von S. Peter Biß auff den  
heutiges Tags glorwürdig regierenden vnseren ...**

**Ott, Christoph**

**Ynsprugg, 1676**

10. S. Hyginus/ ein Griech/ von Athen.

---

[urn:nbn:de:hbz:466:1-72277](https://nbn-resolving.org/urn:nbn:de:hbz:466:1-72277)

tem Pontificem.) Truege ein sonderbare Lieb gegen dem Geheimnuß der Geburt Christi / Darumb er allen Priestern erlaubt / daß sie in der heiligen Christnacht drey Messen möchten lesen / welches so gar die Lutherische Magdeburgische Centuri-Schreiber nit können läugnen; darbey aber zugleich ja bekennen müssen / daß die Mess gleich in der ersten Kirchen seye im Gebrauch gewesen; darvon hernach was mehrers. Eben auch diser Telesphorus / hat zu der Ehr der Geburt Christi geordnet / daß der Englische Hymnus, das Gloria in excelsis DEO, bey der Mess gleichsamb mit den Englen gesungen wurde / wie Platina vnd andere schreiben. So hat auch diser Telesphorus die Bierzigtagige Fasten / die schon von der Apostel Zeiten an von den Christen / zwar gehalten wurde / von etlichen aber schlechtlich / mit einem absonderlichen Decret / jedermann / der zu seinem Alter kommen wäre / zu halten gebotten / wie bey Anastasio Biblioth. Baronio vnd andern zu lesen. Hat sein Leben wie seine heilige Vorfahrer durch ein herrliche Marter beschlossen / wie von ihme Irenæus l. 3. c. 3. vnd Tertullianus in seinem Carmen contra Marcionem bezeugen. Hat regiert 12. Jahr.

Die drey Messen in der heiligen Weihnacht

Das Gloria in excelsis bey der Mess.

Die Bierzigtagige Fasten.

Marter S. Telesphori.

N. 43.

10. S. Hyginus / oder Hyginus (dann auff beede weiß sein Namen geschriben wird gefunden) ein Griech von Athen gebürtig / nit allein in heiligen Schrifften / sonder auch in weltlichen sehr gelehrt. Dann er / als ein Athenienser / erslich vmb die Welt-Weißheit / die Philosophen genant / von Jugendt auff hisig / darauff sich erst vmb die bessere / die Göttliche / angenommen / ein Christ / vnd hierauff ein Clericus oder Geistlicher / letslich wegen seiner außerlesenen Geschicklichkeit / vnd darbey wol stehenden Tugend vnd Frombkeit / Römischer Bischoff / auß sonderbarer Fürsichtigkeit Gottes / worden. Dann zu seiner Zeit zween sehr gelehrte Erz-Keger / als Cerdo vnd Valentinus auff Rom kommen / mit denen der S. Hyginus zu fechten gehabt / vnd sie so weit getriben / daß sie sich öffentlich / obwolen verstellter weiß / für Catholisch gehalten / ihre Irthumben widerrufen / vnd Cerdo so gar ein öffentliche Beicht / (die damalen bey vilen gebräuchlich war / doch frey stunde /) vor dem ganzen

Erwählt im Jahr 154.

Kämpfer wider die Keger.

zen Volck gethan / vnd sich seiner Sünden halben angeklagt.  
 Hat sich also Hyginus ein rechten obristen Hirten erzeigt /  
 als der sich den reiffenden Wölffen so mannlich widersetzt /  
 vnd seine Herd vor ihnen so wachtharlich beschützt hat / also  
 daß sie zu Rom / wie ihr gottloses Borhaben ware / in weni-  
 gisten kein Schaden thun möchten. Nachdem aber ihr ver-  
 stellte Weiß sich darüber entdeckt / vnd sie wider vmbgestan-  
 den / seynd sie als lose Keger von der Römischen Kirchen  
 vnd deren Haupt Hyginio verbannt / verflucht / vnd ver-  
 trieben worden / wie auß den H. Vätern der H. Irenæus  
 selbst bezeugt l. 3. c. 4. da er eygentlich wider ermelten  
 Kegermeister den Valentinum handelt / vnd ihme nichts  
 hefftigers / als der Römischen Kirchen Urtheil wider ihn /  
 vnd Verdambung / für thut werffen. Eben diß zeugt der  
 vralte Tertullianus de præscript. hæret. c. 50. wie auch  
 Euseb. l. 4. hist. c. 10. & 11. darauß abzunehmen / in was  
 grossen Ansehen schon dazumal die Römische Kirchen vnd  
 Bapst gewesen / als auff die alle andere Kirchen vnd deren  
 Bischöffe ihr Absehen hatten / was sie recht oder vnrecht  
 sprechen würden / in demselbigen auch sich zu conformiern  
 vnd vergleichen. Nach dem nun Hyginus mit Wort vnd  
 Dinten / den alten Catholischen Glauben wider die Keger  
 vnd Heyden starckmüthig verfochten / hat er demselben auch  
 mit seinem Blut vnd Marter vnterschriben. Dann für et-  
 nen Martyrer schreiben ihn vor alle Griechische vnd Lateini-  
 sche Martyrologia.

überwindt  
 vnd verjagt  
 sie vñ Rom.

Höchstes  
 Ansehen der  
 Römischen  
 Kirch.

S. Hygini  
 Marter.

Bey diesem heiligen Bapst solle den Leser nit ir-  
 machen / daß er von Eusebio vnd mehr andern / sonder-  
 lich den Griechen / als der Neunte Römische Bapst  
 vorgeschriben wird / der von mir auß Baronio vnd an-  
 dern der Sehende gesetzt wird. Die Ursach ist schon oben  
 angeregt worden / vnd ist / weil vil auß den Alten sich in den  
 zwey gleichen Namen Cletus vnd Anacletus haben verfüh-  
 ren lassen / also andere den Cletum / andere den Anacletum  
 aufgelaßen / vnd dergestalt dise zwey nur für einen gesetzt  
 haben / daran sie sich aber geirret / wie oben erwisen worden.  
 Sein Todt vnd Marter hat sich begeben in dem Jahr Christi  
 158. den 11. Jenner / daran auch sein Gedächtnuß durch  
 die ganze Christenheit gehalten wird. Hat regiert 4. Jahr.